


# astudiaeth achos

*Carmarthenshire*  
**CONNECT**



**CYSWLLT**  
*Sir Gaerfyrddin*

## **Hybu Technoleg sy'n Hybu Cymunedau!**

**Astudiaeth Achos ar Estyn Allan  
gan Gyswllt Sir Gaerfyrddin**

Karlis Ozolins  
Swyddog Maes TGCh

## Crynodeb

Mae'r astudiaeth achos hon yn orolwg cryno o sesiwn estyn allan arferol ar gyfer grwpiau cymunedol. Cyflwynwyd y sesiwn hon i grŵp cymunedol 'Scribes R Us' yn Nyffryn Aman Uchaf. Fe fu Cyswllt Sir Gaerfyrddin yn eu helpu i hyrwyddo eu grŵp, a'u gwaith, drwy dechnolegau digidol newydd, gan gynnwys technoleg ffôn symudol a blogio.

## Cefndir

Mae 'Scribes R Us' yn grŵp o awduron creadigol sy'n seiliedig yn Nyffryn Aman Uchaf. Mae'r grŵp yn cwrdd yn rheolaidd i rannu straeon a hanes ac i drafod eu gwaith creadigol. Mae gan y grŵp dros ddeg o aelodau a, dros yr ychydig flynyddoedd diwethaf, mae eu gwaith wedi arwain at ryddhau pedwar llyfr byr sy'n dangos eu gwaith i eraill.



(Grŵp awduron Scribes R Us)

Fe gysylltodd y grŵp â thîm Cyswllt Sir Gaerfyrddin am y tro cyntaf yn gynnar yn 2008, i ddarganfod mwy am y prosiect a'r ffordd y gallai eu helpu i hyrwyddo eu gweithgareddau. Roedden nhw'n awyddus i gymryd rhan yn y prosiect a gofynnwyd i Gyswllt Sir Gaerfyrddin gyflwyno sesiwn estyn allan i'r aelodau yn ystod cyfarfod nesaf y grŵp.

## Diben Cynnwys y Gymuned

Diben cynnwys y gymuned yn y lleoliad hwn oedd dangos sut mae modd defnyddio technoleg ffôn symudol i gymryd ffotograffau digidol a fideos, i arddangos y defnydd o flogiau a blogio ac i esbonio sut allai'r technolegau hyn fod o fudd i'r grŵp.

## Y Broses o Gynnwys y Gymuned

Ar ddechrau'r cyfarfod, fe gyflwynodd y swyddog prosiect y prosiect i'r grŵp gan esbonio sut yr oedd blog Cyswllt Sir Gaerfyrddin yn gweithredu fel canolfan gymunedol ar-lein a sut fyddai modd defnyddio technoleg ffôn symudol i gofnodi cyfryngau digidol i'w cyhoeddi ar y blog.

Yn dilyn y cyflwyniad hwn, fe fu'r swyddog maes yn helpu aelodau'r grŵp i ddefnyddio technoleg ffôn symudol yn ymarferol. Fe fu'r grŵp yn cynnal ymarfer byr gyda'r dechnoleg (fel cael yr aelodau i gymryd ffotograff neu fideo o'i gilydd) i gyflwyno'r dechnoleg ffôn symudol iddyn nhw a'u helpu i ymgyswrtio â'r dechnoleg.

Nod yr ymarfer hwn yw codi ymwybyddiaeth o'r ffordd y gellir defnyddio camerâu a fideos ffonau symudol er budd grwpiau, a thynnu sylw at y ffordd y gellir eu defnyddio i gynhyrchu deunyddiau ar gyfer blogio.



(Llun a gymerwyd ar ffon symudol wrth ymarfer)

Wedi gorffen y dasg hon, roedd yna gyfle i'r grŵp holi unrhyw gwestiynau ynghylch y dechnoleg a'r prosiect. Gwneir hyn i sicrhau bod pob aelod yn cael dealltwriaeth dda o'r dechnoleg a'r prosiect.



(Arweinydd y grŵp gyda Swyddog Prosiect Cyswllt Sir Gaerfyrddin)

Rhan olaf y sesiwn oedd arddangos blog Cyswllt Sir Gaerfyrddin a'r ffordd y mae'n gweithredu fel canolfan ar gyfer gweithgarwch cymunedol.

Yn dilyn y sesiwn, cyhoeddwyd y cyfryngau a gofnodwyd gan y grŵp ar flog Cyswllt Sir Gaerfyrddin.

Yn y pendraw, arweiniodd y sesiwn estyn allan hon at ddau gyswllt pellach gan gynnwys gweithdy ymarferol ar flogio a phrosiect fideo.

## Manteision ac Anfanteision

### *Manteision*

- Grwpiau'n dod i gyswllt â thechnoleg newydd mewn gosodiad diogel, cyfeillgar.
- Gyda chymorth Cyswllt Sir Gaerfyrddin mae grwpiau'n gallu creu perthynas rhwng y dechnoleg a'u gweithgareddau nhw, a'i defnyddio i gymryd ffotograffau a fideos a hyrwyddo eu gwaith ar-lein.
- Fe allai'r sesiwn arwain at ddysgu pellach o fewn y grŵp.
- Caiff gwybodaeth ei chynhyrchu ar gyfer gwefan Cyswllt Sir Gaerfyrddin, gan hyrwyddo'r grŵp ar-lein.
- Mae'r sesiwn yn codi ymwybyddiaeth o dechnolegau digidol newydd.

### *Anfanteision*

- Cyflynwyd sgiliau TGCh digidol cymharol sylfaenol i'r grŵp.

## Cyfeiriadau

<http://www.carmsconnect.org.uk/labels/Scribes%20R%20Us.html>